

鷓汀漁隱詩集卷二

宜黃

借燦圖少看

雪鴻小草

余三十上公車兩試春闈遠不得志於有司鬱鬱出
都飢驅靡定雪泥鴻爪到處畱題編辛巳至丙戌詩
爲一卷曰雪鴻小草計古今體二百一十首

出門

南山有飛鳥毛羽養素豐
霄本夙志健翮趁長風
丈夫志四方卓犖睨羣雄
我生年甫壯謀養走西東
仕有時爲貧身不可終窮
襪被向都門迢遞關河中
詎不惰行豈所鷓汀漁隱詩集卷二
期愜素衷慎哉來日難毋爲任轉蓬

五更照殘月村雞催四鄰
披衣到堂前長跼別雙親
阿耶兩鬢霜語兒識要津
顯揚我心慰菽水未爲貧
慈母攜兒手憐兒歷苦辛
饑寒兒自知肢體兒自珍
健飯我尙能去去勿逡巡
對此益悽惻欲語聲復吞
南陔咎曾補此事愧古人
願天錫純嘏歸來彩戲新

有弟年甫冠質魯性復憇
爾幼不讀書吾咎常箴爾
今頗覺爾賢尙足爲人子
讀書事科名奔逐行無已
不及力耕身戀戀庭闈裏
伯兮久不家吳山并越水
二老近桑榆頽爾奉甘旨
勉哉自樹立貧賤安足恥

志士慕高官貧家需健婦績火伴書鐙誤作常墮手多病
爾堪憐多愁我足偶我咎慣離家終歲飢驅走此行別更
難歸期隔歲後含淚向吾言來歲君歸否離別亦尋常言
念父與母好看禁宮花休愛他鄉柳珍重別時言歸來謀
斗酒

鷹潭夜泊

丹楓落盡水空流浦潏參差客艤舟兩岸雨聲江市襍一
天風色布帆收荒隄古木凝寒霧別舫么絃起暮愁回首
滄江驚歲晚野煙沽酒宿汀洲

貴溪道中

鷗汀漁隱詩集

卷二

一

灘聲流不盡來泊翠微灣黃葉一林雨夕陽三面山
龍虎氣人共鷺鷥閒日近長安遠蓬瀛殆可攀

舟中卽景

十里鳴寒瀨風威撼敝裘虹橋千丈落暝色一江浮喚渡
人聲襍敲詩客思幽船窗試香茗忘卻羨沙鷗

舟中與孫翹生同年夜話竝懷劉滄洲同年

孤舟相對未成眠料峭寒威釀雪天千里鄉關遊子夢一
鐙風雨孝廉船話來往事難回首計到郵程是隔年卻憶
長卿詩興好酒酣吟咏漢江邊

時滄洲由漢江取道入都

舟中晚望

檣外亂唳鴉江干日又斜雲中千樹影渡口幾人家修竹
半臨水寒梅微見花浮生愧蓬梗舉日是天涯

舟中除夕

爆竹江鄉緊寒汀晚泊船離家剛半月越宿是新年遠道
勞親計孤鐙照客眠家僮獻尊酒薄醉對溪煙

黃沙港夜雪

朔風吹水水急流一鐙閃爍搖孤舟怒濤澎湃風力緊恍
如萬馬聲蕭颺霎時雨霰珠迸碎低壓篷篷防打頭天遣
滕六布清景江山種玉玻璃幽我時披衣方兀坐風聲水
聲交耳謀故人相對索不語陡覺寒氣侵重裘撒鹽一夜

鷗汀漁隱詩集

卷二

三

風吹裂擁被重眠更淒絕離家轉覺夢難成岸頭寒柝聲
初歇朝來銀海眩生明諸山森列如銀屏呼僮買酒拚一
醉酒酣擊節氣縱橫詩成嘯傲向空際江風吼絕蛟龍驚

河口鎮

信江淺水漾晴沙塵市叅差一帶斜日午卸帆江上路街
頭去買武彝茶

沙隄殘雪欲晴天人語書聲載一船聽到前村簫鼓沸客
中方覺是新年

舟中感懷次孫翹生同年韻

跋扈詞場十載餘才名爾我亦非虛故園別夢三春艸寒

士輕裝幾卷書瘦馬紅塵官道遠殘氎白屋故人疎苦吟
鎖日船唇坐卻恐梅花冷笑予

玉山道中

玉山道上春風香玉山女子鬪紅妝當鑪滌器年十八龍
芽細煮花陰秀柳花吹遍天涯路門前過客車爭駐情多
情少不須猜慙勸征人喫茶去

桐江櫂歌

一鏡湖光靜綠煙畫航幾隊載游仙江山別少畱人處只
有儂家九姓船

一家一箇打魚舟花外微風送暮謳曲曲灣灣都記得阿

鷗汀漁隱詩集

卷二

四

儂生小是嚴州

碧檻紅窗面面開衣香人影暗相猜鴉頭襪子盤龍髻十
隊紅裊打槳來

六角船亭已字欄倚欄紅袞暮生寒嬌癡更有垂髻女學
得琵琶不肯彈

一湖風月嫩生煙紅燭銀鐙徹夜筵郎唱吳歌儂唱越最
銷魂是想夫憐

花田內外花亂飛桐江水暖鰕魚肥記得那年分袂處與
儂曾約賣茶歸

前任蕭郎後任儂宛央宿處傷夫容分明咫尺陽臺路隔

著紅紗一萬重

妾如江上富春山年年相望水雲閒
郎似錢塘江上水西湖隔斷不流還

上元前一日蘭溪夜泊見月有作

鄰舫清歌聽可憐
釧釵聲又送湖邊
夾城士女看紅炬
近水樓臺鑠綠煙
客裏有花春尙宋
渡頭橫笛月初圓
深閨憶否天涯路
潮落空隄夜泊船

登嚴子陵釣臺

七里漁歌水綏流
江干斜日漫登樓
先生節義開東漢
天子襟期重舊遊
山色靜宜高士隱
波光寒浸客星幽
逃名卻悔羊裘誤
物色無端上釣舟

鷗汀漁隱詩集

卷二

五

七里瀧

兩岸山光翠
壓篷畫船無數水
當中日斜繫纜江波淨
時有漁歌唱晚風

杭州值雨

武林花氣鬱蒼蘇
小門邊溼翠藏
臥聽春潮不成寐
風風雨雨宿錢塘

閩門舟發

伯業淪亡虎氣銷
闔門外雨瀟瀟
我來才聽吳孃曲
一夜春愁太寥寥

歌吹繁華自惱儂
片帆今夜宿吳楓
離懷又逐春潮長
愁打寒山寺裏鐘

渡江

擊節高歌自有情
峭颿如葉翦波行
濤頭怒捲金山寺
江勢平吞鐵甕城
瓜步夕陽臨水盡
海門寒月破潮生
夜深莫更吟詩句
恐有蛟龍聽欲驚

揚州

吹笛船頭正夕陽
紅橋低跨水中央
梅花明月紅簾夜
宮樹曉雅舊苑墻
別院笙歌猶宛轉
冶春題詠半荒涼
我來不作揚州夢
怕有人猜杜牧狂

鷗汀漁隱詩集

卷二

六

淮陰釣臺

歌風遺意已無存
推食君臣誼罔敦
國士尙能酬漂母
婦人何竟殺王孫
秋風大將旌旗閃
落日寒江樹色昏
還是釣臺千古在
三分何用蒯通言

驟車早發

好夢何曾續關山
自遠征疎燈明野店
殘月墮荒城去馬
來牛地燕南趙北
行故鄉回首望已
闕四千里

覆車

我生事行役險夷
歷八九敬慎本素
持坎珂亦時有仲
春月之七侵晨出
道右曉星澹欲無
曠野車輪走一僕
執鞭

前一僮持炬後山路苦崎嶇坐臥常疾首此身如轆轤轉
側難自守又如豆在箕春簸入人手轟雷忽一聲已墮深
谿口履險竟如夷傲倖亦良苟因思負荷難行地占坤厚
艱大果能勝債轅特其偶四角漫驂駒此事誰之咎殷勤
戒僕夫馭馬凜其朽

旅館夜宿

逆旅愁中夜疎煙柳外莊離懷濃似酒殘月白成霜錄句
僮呵研論詩客對牀高歌都有趣無奈是他鄉

泰安道中望岱嶽

日觀巍峩上薄雲東來紫氣望氤氳秦碑漢碣幾千載削
鷗汀漁隱詩集 卷二 七

玉鏤金七十君海岱山川憑獨障青徐原野看中分

翠華他日勤封禪應用相如典冊文

旅夜聞笛

竟夕不成寐庭空月有陰誰家折楊柳促我別離心老屋
一燈影孤鴻千里音征衫漬塵久何處洗煩襟

平原謁顏魯公祠

羯奴兵勢太縱橫抗節平原定主盟一面儘堪當重鎮九
重從未識書生積薪虜漫凌天使罵賊人猶溯阿兄烈日
嚴霜遺像在荒祠零落夕陽晴

座主少宗伯劉筠圃師招飲三簾書屋卽席賦呈

日午來停問字車圖書繞室對清華座間小草都承蔭屋
外疎籬近著花一院春宜文字飲幾生修到日邊橙師曾奉
聊祀南海席間
談及廣州風物珊瑚鐵網歸公手願侍蓬山看赤霞

黃金臺

得士以黃金黃金殊有色士爲黃金來士亦不貴得臺上
黃金作士媒市中駿骨猶衰裒燕昭慷慨亦英主郭隗畢
竟非真才狂歌我去尋屠狗荒臺日暮空回首君不見風
塵處處鴛鴦走

易水寒

寒莫寒兮易水波熱莫熱兮荆軻血壯士西去水東流易

鷗汀漁隱詩集

卷二

八

水寒兮寒於燕山雪

解

願得秦政首歸報太子丹天荆地

棘行路難風蕭蕭兮易水寒

解

易水寒公竟渡不見生還

見生去神龍寶劍不歸秦定化波濤作餘怒

解

都門送翹生進士出宰江蘇

綠槐幾日又成陰聽唱驪歌悵不禁一第榮能先我去十
年交最與君深讀書理悟蕭何律作賦聲參宓子琴畢竟
儒官卽仙吏木天休悔負初心

酒地歌場話咎歡清狂多怕俗情看古來名士定何物我
信詩人是好官六代鶯花歸建業一春風雨住長安江南
此後思君處落月楓橋起暮寒

紈扇竹陰美人畫卷家睂伯明府屬題

團扇暗兜香羅衫輕貼體小立竹陰西夫容新浴起
願製合歡扇明月同團圓願借碧簪爲歡報平安

爲許龔葦同年畫竹並題絕句

夢回小閣日初長蘸墨初添竹數行記得故園書榻靜壓
檐新綠午陰涼

僕子辭去戲作歸燕詩示之

一載相依意不違主人對爾轉依依朱門幸托新巢穩白
屋應憐舊伴稀歲月蹉跎悲去夢關山迢遞悵斜暉來年
紅杏香泥早卷上珠簾待爾歸

鷗汀漁隱詩集

卷二

九

夜雨宿家睂伯厲齋劇談竟夕有感而作

院落蕭疎照短檠添衣微覺嫩涼生一尊酒思兼詩思半
夜風聲送雨聲芳草池塘空有夢中年絲竹倍關情天涯
旅食多愁甚我亦窮途阮步兵

夏夜聞絡緯

秋意逼窗戶孤鐙黯不明邴堪三伏候來送一階聲錦字
誰家恨刀環空復情長安今夜月我亦悔行征

吳蘭雪先生出示粵游諸詩奉題一律

小別羅浮路渺茫仙山胡蝶貯詩囊噉殘荔子真奇福修
到梅花是古香絳節論交逢賀監

謂制府阮芸臺先生

紅牙記曲有

珠孃只今燕市豪吟客滄海歸來髻欲霜

寄懷艾至堂熊墨樵竝東章門應舉諸君

劍氣東南逼斗牛章門回首故人留修成古佛千花豔憶
到仙楂八月秋北直關河新去雁東湖煙水舊盟鷗豪吟
忽憶當年事萬頃荷香一葉舟

與許琴南同年夜坐

縱酒徵歌願已違論文看劍可相宜五千里路傷離別廿
四花風判早遲作客光陰三伏盡箸書心事兩人知誰憐
夜夜同搔首吟到鐙闌月上時

唧唧蟲聲到耳邊客中風味早秋天離多漸覺吟懷損貧
鷗汀漁隱詩集

卷二

十

甚方知道力堅牛馬任憑呼太史蠹魚修到卽神仙願君
身入承明直索米金門亦可憐

七夕偶成

秋風涼意透輕羅又報雙星已渡河新月不堪愁裏看佳
期況是客中過故園刀尺三更夢遠道鶯花子夜歌寄語
黃姑休默默人間一樣別離多

秋思

涼風何蕭蕭吹我征人衣明月何皎皎照我讀書帷故鄉
日以遠秋色更淒其落葉積空徑孤鐙搖素輝對酒固不
懌看劍行復悲永夜發長歎壯心將自違浮雲起關塞鴻

雁自南飛

蟋蟀鳴西堂衰草滴寒露唧唧復唧唧秋心如欲訴歲月
忽遷流時光安可駐美人抱瑤瑟玉階時獨步古調不敢
彈雲鬟溼香霧余情本信芳知音豈云暮努力愛春華勿
效悲秋賦

中秋對月

客路五千里燕臺八月秋輪清

雙闕迴花發故山幽滿地白如水一鏡相對愁佳期還寢
寢腸斷大刀頭

那及團圞影浮蹤愧此生去年今夜月我亦別離情歲月

鷗汀漁隱詩集

卷二

十一

忽已改關山如許清長安秋色早處處擣衣聲

湯茗孫舍人招飲廡齋並示近詩卽席賦贈

春風雞樹絢文章玉茗猶畱舊日芳十載身隨青瑣闥一
官才稱紫微郎到門野菜餘寒色插架奇書足古香卻憶
直廬明月夜宮鸞唳處覓詩忙

秋花小閣正開筵況誦新詞又百篇詩有別腸還入史官

如秋水合稱仙鱸蕪累我鄉園夢

是日食鰕魚晚
松頗饒鄉味

鳳藻輪

君日下傳慚愧枯腸澆更熱酒酣心醉衍波箋

放歌行贈應公子

應公子醉鄉侯兀然奇氣凌滄洲飲酒百斛詩百首金貂

換盡非君憂我咎遊羊城見君風雪裏禁寒拜倒梨花前
酒酣詩思清於水

余戊寅客郡城始識君時大雪君招飲出示梅花詩

今年滯燕京

旅懷多鬱積輒紅塵裏又相逢狂笑拍肩情似管天涯旅
食共艱辛半載長安歸未得平生磊落不知曾縱博徵歌
人罕識望諸墓下屠狗多長歌擊筑忘袒裼公然結客少

年場黃金雖盡猶顏色一官小就非君心人閒吏隱同仙

謫吁嗟夫我聞曉曉易缺皎易汗乾坤畢竟驅狂奴

君咎有乾

坤何必驅狂奴之句

傲吏嘯傲有時有長官呵責無時無請君再酌

拌君醉但作詩人莫作吏黃花時候送君歸歸心我亦大

江西

鷗汀漁隱詩集

卷二

三

葬花圖黃樹齋編修屬題

生小雲英未破瓜殷紅尋遍玉鈎斜情根未斷愁根種解
下春衫殉落花

修到名花也可憐傷心紫玉共成煙禁他三尺埋香冢斷
雨零風泣杜鵑

青冢年年妬落紅馬嵬唬鳥自春風世間幾許酸心事一
掬紅愁綠怨中

返魂何處覓真香金粉飄零弔夕陽只恐葬花人命短孤
墳誰替築鴛鴦

豔福終須付轉輪紅顏孤負此青春替花懺盡前身業不

要他生作美人

題澣花閣畫蘭

余芝衫孝廉室也芝衫客都門夫人以畫蘭寄之

寫就幽芳感別離紅緘珍重寄駢枝若蘭本是蘇娘字藏

過迴文織錦詩

瑤箋遞我碧曾勻醉墨顛豪強效顰芝衫曾為夫人索余畫蘭不及仙

妃親寫照湘花影裏拜夫人

題駱佩香女史花卉畫冊四首

銀漢迢迢別路賒離魂吹落長瑤葩如何拋得天孫去不

作人間並蒂花牽牛花

輕羅漠漠占秋芳誰乞天孫製剪忙想得玉人描影處墨

鷗汀漁隱詩集卷二

三

花簾下蕩絲香剪秋羅

露碎珠零繞院牆畫圖猶見舊啼妝美人死後為芳草霸

業消殘半夕陽一縷貞魂憑幻化幾株寒月映昏黃風流

漫擬西施鞠曾拚紅顏殉楚亡虞美人

幽姿彷彿對名園淡抹輕描似有痕入夜香宜陪翠襲有

情花亦媚黃昏半簾沈水銅瓶注一桁銀鐙繡被溫小字

靈芸還記否前身多是美人魂夜來香

寒夜作家書有感

做盡貂裘且漫傷天涯遊子總淒涼風迴絕漠歸遼海雪

卷寒雲入太行寢裏故園三徑竹天邊殘笛一樓霜家書

報向親聞道眠食兒今喜較強

消寒襍詩十四首

偏是孤眠夜更長重衾如雪擁空牀被池忍禁三更冷繡
榻誰熏一縷香詩夢荒涼迷蛺蝶睡情淹忽記鴛鴦天涯
淒絕還支枕爲道袁安臥欲僵

寒衾

料峭風聲打徹帷半篝寒照正淒其月斜山寺疎鐘後潮
落江湖夜雨時一院星霜人獨對十年冰炭意同知深閨
曾否金錢卜刀尺空房有所思

寒鐙

關河風雪正堪傷况聽龜茲曲斷腸隴上新愁邊塞月羌
城殘柳戍樓霜韻隨隨砧杵來虛幌人倚闌干怯莫涼料得

鷗汀漁隱詩集

卷二

古

閨中今夕夢也隨橫笛渡江鄉

寒笛

疎煙漠漠雨濛濛百八聲傳野寺中十里楓橋江月落一
龕鐙火佛樓空過雲冷似和殘笛到夢遲應待曉風爲擬

春明趨聽鼓景陽花裏緩嘶驄

寒鐘

墨點蕭疎過院墻畢逋歌罷又荒涼一林落葉下寒影十
里丹楓翻夕陽斷角城頭雲黯澹叢祠煙裏月昏黃天涯

歲莫還憐爾風雪柴門極目望

寒雅

風急江亭送柝聲隔煙閑伏旅魂驚僧歸古寺雲三徑鬼
語秋墳月二更千古傷心同兔死一生報主共雞鳴俗淳
莫便疎防守巷曲牆陰夜夜情

寒犬

疎籬開處影橫斜，索笑巡簷感歲華。
半夜幽香迷紙帳，一枝殘月隱山家。
鄉愁遙憶江邊篴，詩骨清宜雪後花。
昨夢羅浮驂蝶去，美人親勸嚼瓊葩。

寒梅

霜滿寒林葉滿村，山風吹雨欲黃昏。
一畦野菜薄於霧，十里冷香清到門。
咬盡枯根知有味，經來殘雪怕無痕。
生涯庾信多蕭瑟，白暮江南賦小園。

寒菜

一抹孱顏露遠峯，冬心催瘦玉芙蓉。
層厓雪意晴如畫，絕澗水條徑欲封。
屋外低迷殘照影，雲端忽送午時鐘。
家山無恙思高隱，脫帽看書坐古松。

寒山

莫雅嘯處夕陽沈，雪後蕭疎露遠林。
賸有舊條需淑氣，不

鷗汀漁隱詩集

卷二

五

多黃葉，況濃陰。榮枯自識循環理，
寂寞難消伏處心。畢竟春風容易到，
此中知爾托根深。

寒林

格子玲瓏列四圍，嵌空安置小朱扉。
畧嫌初日難侵座，禁住稜風不入幃。
撲紙驚看蠅欲凍，候門寒憶鶴將歸。
常關學得陶公法，真箇蕭齋俗韻稀。

風門

斗室胡牀熱石煤，火龍空際忽飛來。
擁書人坐三冬暝，倚枕心難一寸灰。
襪被連宵依燠館，夢魂終古戀陽臺。
先生卒歲無他具，頭腦冬烘莫漫猜。

火坑

一幅寒氈委地長，禁他風力漫顛狂。
胡天帳煖人初夢，斗室鑪溫火自藏。
未必餐同邊地雪，最堪畱任夜闌香。
只愁

歲晚消寒友少箇蘆簾著孟光

蘆簾

疏窗漠漠紙如綿燠室香籠小篆煙遮斷輭紅三百丈生
來虛白五更前光添旭景晴如畫影落梅花瘦似仙詩卷

消寒都草草未妨補綴拾殘箋

紙窗

翹生之官江蘇都中傳其覆舟淮上至是始知其譌

傳也作此誌喜卽以寄之

纔躡仙舄作宦行浪傳捉月又騎鯨誰知海嶠遊仙客猶
坐衙齋聽鼓聲天本愛才人欲殺民方待澤鬼難爭歡呼
卻笑當時事望斷金閨涕淚橫

旅夜對月

鷗汀漁隱詩集

卷二

六

相思從古在長安片月關山起莫寒廿四年中頻作客五
千里外獨憑闌可堪索米衣常典便要還家夢亦難試拂
青萍看寶劍七星終夕掛簷端

醉歌行

男兒生不鳴珂佩玉青瑣班便須短衣射獵終南山安能
鹿鹿日與羣兒伍坐令鬱鬱終歲不得開心顏君不見茂
陵煙鳥江水古來富貴只如此逝將襍被辭長安五湖散
髮尋魚竿不然狂歌溷迹事屠狗何羨朱門行馬新郎官

題巢雲館遺草

陳一泉明府室
趙凌霄女史著

南徐風景隔江山舊任中冷水一灣記得掌書會上界瓊

花小劫墮人間

豔體徐陵仿玉臺一枝彩筆讓仙才阿郎本是栽花手不
向江淹乞管來

瘦損胷肢病亦魔折除清福爲才多瑤樓此去仙風緊鶴
背涼應怯素羅

與琴南同榻

對擁紅鑪火未闌浹旬相見倍情歡二更時候月初上兩
客夜深眠共寒別夢梅花縈故國幾年爆竹動長安明朝
且賭旗亭句要博雙鬢一笑看

都門除夕

鷗汀漁隱詩集

卷二

七

柏葉椒花又上槃滿天風雪滯長安思親且莫如年永作
客光陰似指彈卅載雄心還磊落一家清宴憶團欒惟憐
歲晚深閨裏鏡檻紅棊獨自看

年來差喜富詩囊金盡牀頭且漫傷不信才人終偃蹇每
逢佳節倍淒涼孤鐙旅壁餘殘夜春樹蓬山接

帝鄉且酌一尊拚一醉明朝眼裏又韶光

題李晴嵐斜陽荷笠圖

鷓鴣聲裏奈愁何匹馬長途自放歌一笠斜陽穿樹遠四
山涼翠溼衣多浮蹤詎合隨萍梗舊夢還應戀薜蘿畢竟
輾塵歸未得鷗汀我亦念漁蓑

余有鷗汀
漁隱圖

喜艾至堂公車至都

青袍初試著塵埃
杏雨聲中一騎催
短褐論交名下噪
好風吹爾日邊來
江南煙月添新句
薊北風雲展異才
料是苦吟今謫滿
明朝同去問蓬萊

至堂題余讀書秋樹圖有前身都是掌書仙吟哦太

苦遭天謫之句

小別章門又幾時
南鴻北燕耐相思
劔爲神物常離合
人似花風判早遲
自古才名同畫餅
一生豪宕最工詩
它年

索負金門米回首
斜陽在夕葵

至堂曾以夕葵負米圖屬題

莫漫

落魄長安席帽欹
去畱難定且遲遲
今生文字頻磨劫
後

鷗汀漁隱詩集

卷二

六

日功名看弈碁
未免疎狂才子習
不勝遲莫美人思
市中莫漫尋屠狗
故國莼鱸始及時

詞賦江關敢自夸
黑貂裘敝又思家
惱人夜雨當歸草
遲我春風及第花
一杵鐘聲禪榻暝
半林槐影夕陽斜
春婆舊夢今須覺
願俗蒲團誦法華

時寓萬佛寺

口占送晴嵐出都

征衫短笠並詩囊
踏遍槐花問故鄉
正喜打包行腳健
關

山無奈又斜陽

旅中與汪虛齋孝廉夜話

壞榻燈光黯虛堂
劔氣侵文章
堅傲骨風雨老
吟心身豈

科名重交緣道義深天涯有知己何用歎黃金

擬小游仙詩

侍從新裁五色裾紅雲深護玉皇居瓊樓未許頑仙懶謫
向人間飽讀書

洞口斜陽澗口松烏衫曾俗碧雲縫閒來飽飯桃花片笑
取長竿釣玉龍

曾跨靈鼈海上來三山縹緲望蓬萊如何一賦羣仙後絕
少清華著作才

烏絲細界小箋勻寫韻遺軒尚絕塵索遍天涯需斗米神
仙也有賣文貧

鷗汀漁隱詩集

卷二

九

玉樓高處絳雲拖一賦流傳到大羅虧得人間儲此手奇
才天上本無多

幾度朝真向上清大家闕下聽鸞笙隨身雞犬難拋撇畢
竟劉安有俗情

傳聞上界許彈冠換骨還憑立地丹得到九霄防墮劫人
天辛苦是求官

羅浮何處列仙家明月峯頭路更斜閱遍塵寰三萬劫又
騎胡蝶看梅花

顯頴

金盡何緣損客顏潘郎顯頴鬢成斑不關文字科名賤爲

著聰明福分慳壯志已輸鴻鵠舉舊盟猶記鷺鷥閒黃瓜
紫李皆鄉味擬向江天信棹還

黃樹齋太史招同人後門酒樓觀荷次謝向亭宮詹

韻

尋詩准擬付奚童地記南皮讌集中十里香浮青竹葉一
樓人坐綠荷風湖光入座冰簾敞花氣熏裳水殿通道是
蓬瀛仙島近豪吟莫放酒杯空

看花吟答汪慧生明府

并序

余嘗效山谷衍雅作評花詩亦無聊中偶寄風懷耳慧
生近好禪理以懷人詩寄余有除卻看花都懶漫之句

鷗汀漁隱詩集

卷二

三

戲作此以解嘲且使慧生於五萬春花中更參一諦云
瞿曇本無花花亦空相耳有相斯有情卽此是禪理汪君
學道人近解空門旨笑我看花忙此意或有指我眼本無
花爲君下轉語生小患情多目炫萬花裏壯歲讀南華妙
想結秋水綺業盡懺除情根期斷止又恐滯其天室礙安
足取無花坐亦歡有花心亦喜願化千花身竝作千佛子
是佛亦是花妙諦誰叅此心本是花苗意乃是花蕊有時
聞妙香亦不自花起吾安知非花花安知非爾一笑語楞
嚴如是我聞已

雙節詩爲家學庭助教太夫人作

古釵中斷鏡分明巾幘艱難有弟兄影對飛蓬雙鬢亂天
教盛節一門生草名獨活還相倚曲歎孤棲轉合賡千載
虎頭洲畔月照他心跡共澄清

贈汪虛齋孝廉

汪郎三十氣縱橫雄談擊節清風生讀書任俠力矯俗肝
膽肯爲知交傾綺歲香名標月裏三年重踏槐黃市輭紅
塵裏儼廬居宋寔天涯有知己望諸墓下攜酒過黃金臺
上空悲歌長鏡短柄事文戰春風兩北愁無何看花我亦
傷心客兩載長安歸未得丈夫失意事倘祥賭酒徵詞人
罕識六街絃管爭飛觴紅兒送酒聞花香聲聲慢奏憐儂

鷗汀漁隱詩集

卷二

三

曲節節歌傳夜度娘醉來拔劍向空舞酒腸芒角奇虹吐
罵座狂應學灌夫問天句欲無騷楚黃金散盡未須愁買
酒更脫鷓鴣裘曾中自信有五嶽海上本來無十洲十洲
茫茫不可渡天荆地棘悲行路書生只合在家貧況是長
安難久住逝將與君歸結鄰箸書門掩深山春不爾射獵
南山下猶勝侯門挾刺人

紅襖添香夜著書圖爲家眉伯題

衣香燭影夜如何金鴨鑪溫小篆拖消受美人親手供虞
卿日下著書多

蟲魚一尺字清華小婢能詩似鄭家我欲東歸施絳帳管

絃聲隔碧窗紗

將出都雷別諸同好

兩年書劍悔蹉跎擬載輕舟出潞河詩夢旗亭殘笛冷酒
痕燕市故衫多衰親白髮宜甘旨舊業青鐙足嘯歌

輦下故人休惜別此行吾不老煙蘿

通州道中

殘笛起高樓蕭騷四野秋關河新雁影城郭古幽州短鬢
還依舊長安未易雷明朝掛帆席風約踐沙鷗

潞河舟中次至堂韻

征衫短策出京華夢覺春明五萬花燕塞秋高聞去雁潞

鷗汀漁隱詩集

卷二

三

河風急送歸楂陸機詞賦空雷洛張翰菹鱸偶憶家明發
津門觀大海詩情遙寄赤城霞

津門口占

襍還魚鹽市河聲四面流舳艫沙岸潤風雨海門秋客夢
此涼夕

帝鄉居上游故山何處是落日大江頭

南皮道中

衛河西去接黃河垂柳青青送權歌此是魯賢觴詠地瓜
田零落綠陰多

管仲三歸臺

桓公霸王倡如夫人者六管子天下才高臺貯如玉豪杰
在有爲安得盡無欲

汶上閔子祠

君子出處間守義爲足貴得士如此難足喪奸雄氣汶水
一泓清領取廉泉味

滕文公廟

文昭五十里慨然思井地假令撫齊梁復古良亦易天意
欲昌秦商鞅壞周制

鄒縣

獲麟止春秋世變爲戰國非此好辨才安知不楊墨尼山

鷗汀漁隱詩集

卷二

三

一峯高繼起稱鄒嶧

高唐道中作

管子利通商女閭置三百霸術假權謀遂富山東國豈知
千載下餘風煽不熄高唐古齊疆善歌聞在咎曼聲抗中
宵么絃撥良夕過客或徵聲蕩子時選色衣香逐隊來逆
旅接香澤鬢影學盤鴉琵琶工裂帛一唱纏頭傾再舞黃
金擲習俗久相沿行樂將安極吁嗟天下才作俑殊可惜
王道示儉勤功利安足式

途中九日

孤城殘月送輕裝瑟瑟蘆根夜有霜對酒情懷悲遠道登

樓風雨又重陽千山落木催秋老九月寒砧急暮涼知否
故園三徑裏菊花曾似舊時黃

徐州道中有懷許琴南价人兩同年

生涯同是歎飄蓬落日平原曠野中久向窮途悲駿馬況
聞澤國盡哀鴻書生救世無奇策壯士還家有病容一樣
離懷騷屑甚山頭黃葉水邊風

有懷艾至堂

合離無定各淒然一掬飢驅事可憐馬上斜陽江上笛最
銷魂是晚秋天

余就陸道至
堂買舟運河

維揚舟次

鷓汀漁隱詩集

卷二

十四

漠漠雷塘一帶流綠楊城下又維舟二分月底誰家笛廿
四橋邊水上樓詞客只今懷杜牧才人從古任揚州我來
寂寞愁無主官閣梅花似舊不

真州道中雜詩

布帆亭午泊邗溝漠漠紅橋水自流正喜晚來風力健夜
深星火宿真州

柳陌菱灣隔岸斜兩三茅屋是漁家吳姬赤腳能搖櫓頭

插一枝紅蓼花

溪上魚簪夜不收水亭涼月一鐙幽誰家更弄桓伊笛一

曲龜茲起暮愁

小橋橫截小溪邊
破曉篙師喚放船
行過一灣蘆葦岸
茶檣鐙火露朝煙

鄉思遙寄大江隈
潮去潮來日一回
潮去不曾將恨去
潮來又見送愁來

拋卻揚州夢未成
樊川秋老太多情
掛颿今夜瓜州口
揚子江頭風浪平

黃天蕩韓蘄王勒金兵處

一戰東南勢不支
江山半壁尙餘悲
濤聲怒激夫人鼓
日色紅殷上將旗
絕壑蛟龍驚戰舳
大江鵝鶴走雄師
如何天意分南北
短策西湖老詠詩

鷗汀漁隱詩集

卷二

三

金陵昭孫翹生明府

回首燕臺入暮雲
白門柳色又秋分
兩年書劒隨殘梗
六代河山半夕曛
西笑何心眞負我
南來無主恰逢君
天涯風雨離羣久
把酒還應細論文

似聞下邑著循聲
花縣人多頌令名
久識絃歌殊俗吏
不妨面目是書生
板橋風月銀鐙夜
建業鶯花鐵甕城
莫惱樊川太無賴
南朝金粉劇關情

金陵懷古

鍾山依舊枕寒潮
落潮生打石頭六代庭
花空燕舞數行宮
樹有鶯愁笙歌世界銀鐙夜
酒色乾坤戰馬秋水榭

河房風景舊小長干下又維舟

秦淮櫂歌十首

舊院河房半宋寥暮雅殘柳雨瀟瀟可憐十里秦淮水曾
載笙歌送六朝

曉妝初罷倚欄杆鏡裏蛾眉水面看聞說城南山色好兒
家移住小長干

誰家榼子會初歸花案喧傳五色迷幾隊紅妝一聲槳扁
舟搖過板橋西

畫船簫鼓載吳娃兩槳搖煙日未斜遙指綠藤陰下路水
晶簾子是儂家

鷗汀漁隱詩集

卷二

三

夾岸珠簾倚綠楊采蓮歌歇送衣香教郎繫纜紅欄下消
受儂家水閣涼

清溪一曲漾斜暉丁字簾前打槳歸惱煞王家雙燕子更
無人問舊烏衣

清歌何處不魂銷徹夜銀鐙水上搖直到四更人語宋隔
江猶剩一枝簫

錦帳香篝一縷濃枕邊花氣透夫蓉勸郎莫便穿衣去才
打雞鳴寺裏鐘

桃花如靨柳如眉正好春風未嫁時怪底梳櫳三日後羅
巾添繡定情詩

水西門外水如天水西門內月初圍水流但見送郎去月
出空教照妾眠

雞鳴寺

雞鳴埭下雞鳴寺月榭風亭傍水涯古殿苔餘梁代蹟晚
鐘聲斷梵王家六朝柳色秋先老十廟楓林日又斜怪底
城南諸女伴筍輿來買菊籬花

嘯閣謁方正學先生遺像

怒濤如雪打山門嘯閣風清古碣存勳業定殊于少保詔
書羞說趙王孫麻衣碧濺孤臣血荒草寒銷十族魂賸得
南朝祠宇在斷煙零雨欲黃昏

鷗江漁隱詩集

卷二

七

將發金陵畱別湯价人觀察孫翹生明府

鶯花尋遍板橋東十日勾畱樂事同風月主持還我輩江
山管領重羣公題襟韻事開官閣買棹明朝問釣筒莫笑
歸舟輕似葉六朝山色入囊中

荻港夜泊

荻花如雪打征篷斷角霜天咽亂葦明月滿船人不寐萬
山深處一聲鐘

小姑山

嫁得彭郎又隔湖小姑居處本來孤郵程報說鄉關近無
數煙鬟入畫圖

夢遊廬山歌

我聞匡廬之山三萬六千丈玉洞石室橫開敞誅茆有約
頁山靈十年夢結馮虛想昨從吳會歸掛席潯陽浦船頭
山翠橫青葱九疊丹屏若可數詩情苦爲客愁淹清遊頓
被歸懷阻夜夢仙人授我綠玉杖乘我白玉鸞導我丹崖
翠巘之陰磴坐我金庭玉掖之闌干雲黯黯兮欲雨風颯
颯兮生寒佛樓仙觀不可以悉記但見青猿白鹿听夕相
送還巖墜風裂洞古苔頑飯胡麻之百斛采芝草之千年
披明霞之璀璨餐落花之鮮妍琅函紺軸紛相授坐疑福
地開瑯環九十九峯插天際中間妙有飛來泉匡君拍肩
鷗汀漁隱詩集

卷二

天

五老笑虬驂鶴馭身疑仙天風吹水日滌瀆回眎下界何
茫然此時萬壑松濤起醒來涼月浸波底作詩火急和青
蓮清景一失難追取他年學道參元功移家來住香鑪峯
滕王閣題壁

當年讌會臨高閣賓主東南快論文虧得閣公能好客汀
山也要附青雲

棟雲簾雨坐中收詞賦當場第一流我是京華遊倦客登
高何處望瀛洲

章門喜晤艾水村明經旋復賦別兼柬至堂

各有不平感相逢足慨歌人經三載別詩載一囊多

水村
出示

近
詩南浦幾芳草東湖空夕波明朝掛帆去棹觸奈卿何
不到天涯路安知爲客難道心堅閱歷世味領鹹酸我亦
扁舟具煙波覓釣竿歸當語小謝詩卷寄吾看

到家

柴門無恙對溪橋襪被還鄉雨雪飄襟上舊痕燕市酒枕
邊殘夢浙江潮衰親望遠侵雙鬢病婦持家損瘦畧卻喜
庭前了角女牽衣學得左家嬌

頭銜未分老談經白蠟青氈劇感情

余教習景山擬不就

辭樹花猶

貪宿雨在山雲亦念蒼生一官雞肋投閒易三載鴻泥著
迹輕從此紙窗燈火夜隔牆猶識舊書聲

鷗汀漁隱詩集

卷二

九

黑貂裘敝漫言歸樵悴潘郎減帶圍姓字已輸題雁塢生
涯猶問釣魚磯才人下第原佳話倦客還山是息機歡向
北堂斟壽酒宮袍應不換斑衣

雨後偕毛梧生孝廉百花洲晚步

一雨退殘暑荷衫襲翠幽何人吹玉笛送我下汀洲涼月
閣邊水晚花湖上秋平生厭塵俗爲待買漁舟
客有盧仝癖相招茶市間橋通臨水寺簾捲隔江山花外
一鷗夢柳邊雙槩閒清歌何處起遙指後湖灣

與友人話舊有感

走馬蘭臺事若何東華殘夢客愁多酒闌記得旗亭路一

桁紅燈夜聽歌

蹇策歸來感傲裘吟懷依舊付閒鷗尊前莫問炊桐事說
到知音我亦愁

信江夜泊

黃葉萬山落孤帆猶遠行關河風雪早貧賤別離輕月白
江無影灘高石有聲綺窗舊梅樹幾日劇關情

有贈

十年萍梗寄天涯重向風塵認麗華別有青衫數行淚傷
心豈獨爲琵琶

相逢如夢復如煙畫舫銀燈夜不眠惱煞錢唐江上月照

鷗汀漁隱詩集

卷二

三

人春鬢換當年

抵杭州

夾城絃管夜沈沈潮落錢唐深復深孤堦到江攢樹影妓
船如幟泊藤陰西泠歌吹餘臺榭南宋鶯花自古今我是
香山詩弟子荒祠重謁到湖心

山東道中

郵籤終日報行程魯郡齊疆自遠征未必風塵非閱歷敢
將科第作功名東瞻太岱晴煙動北渡黃河春水生料得
長安花信早五雲多處是蓬瀛

無定河

卽今永定河

野曠北風勁蕭蕭古戰場黃沙不生草白骨自成霜斷磧
逃寒日哀笳入暮涼河聲流不盡終古夢遼陽

古押衙

古押衙真丈夫朝持寶劍出門去暮擲才人還舊居七尺
之軀負奇氣一吃已吞沙吃利吃利橫縱生沙場長戈短
戟森道旁就中一騎飛秋霜左挾蛾眉右花槍健兒卻立
神都僵古押衙真英雄爾來不通姓去不言功義膽一擲
山搖風世間那得無此公君不見紅顏奪取入金屋竈下
餅師不敢哭

題楊太真賜浴圖

鷓汀漁隱詩集

卷二

王

女官宣勅賜蘭湯內殿春寒水亦香一自玉環親受詔開
元宮裏唱霓裳

雲鬢翳鬆掩袂遲薄羅香透體凝脂自家扶起嬌無力不
信金錢洗祿兒

鈿盒金釵證鳳緣花冠雲帔擁真仙上陽盡日慵梳洗肯
賜華清一掬泉

南內荒涼宿草秋雨淋鈴夜總生愁妒他太液池中水依
舊夫容濯竝頭

題趙直夫明府詩草

才名久識趙清獻詩格滄溟七子間燕市悲歌逢舊雨黔

陽煙樹隔家山乾坤著意窮吾輩風雅如君冠一班我亦
長安空索米年來蕭瑟賦江關

旅夜

花外何人笛倚樓客中情緒又悲秋空階雨過忽蛩語小
院月明如水流絕塞霜笳催去雁胡牀冰簟看牽牛閉門
京雒成何事昨夢江天一葉舟

鐵馬行

鐵馬鳴秋心生涼風蕭蕭木葉下朔天萬騎齊琤琤關笳
吹裂霜鷗落逆作千軍萬馬聲一聲兩聲正聒耳忽覺意
氣爲縱橫丈夫挾策不得志短衣便擬從西征昨聞嫖姚
鷗汀漁隱詩集卷二
振旅出玉關萬里征人行長城飲馬日將夕刁斗不動天
冥冥思婦樓頭坐歎息淒淒切切難爲聽東家綺席坐開
宴滿堂美人琴瑟箏歡娛苦短歲將晏哀樂異聽殊其情
何況秋士悲秋更蕭索安能爲爾涕泗一再傾鐵馬鳴秋
心生願得天雨一洗兵塵氛掃蕩秋宇清

無題

玉皇居處近瀛洲隔斷紅墻水自流彩扇畫鸞成夢影繡
裊簇蝶記仙遊丁香已結還無語啞酒雖澆不解愁消受
華池津液去菊人爭問幾生修

翡翠闌干八寶牀珠簾垂地篆煙香貪聽暮雨吳歌輒約

赴朝雲楚岫忙昨夜瓊梯邀素月何年玉杵搗元霜天台
不許凡夫住莫把桃花魅阮郎

書懷

生怕高歌動鬼神疎狂何止俗情噴只除與酒緣猶淺豈
有耽詩士不貧欲遣愁如遷九鼎但求錢似定三秦年來
且訂千秋業休訪成都賣卜人

通州解纜留別都門諸同好

揮手河梁去不畱山川風物倍悲秋渡頭暝色人千里江
上離心笛半樓詞客只今多惜別詩人從古最工愁鳳鸞
臺閣羣公在容我閒情水上鷗

鷗汀漁隱詩集

卷二

三

詠懷十首

我有綠綺琴空山時獨往一彈出清音再鼓發奇響天風
共海濤真氣相磨盪古調成獨彈無絃結遐想豈必鐘子
期山水有真賞

浮雲本無心未雨常在山飛鳥豈知機倦飛時復還嗟予
滯京雜旅食徒自艱襍被出都門落日望江關松菊憶三
徑中有屋數間身健時讀書猿鶴相與閒讀書且事親此
樂吾能顏堂上日以永窗前草欲斑回首謝故人扁舟蘆

荻灣

真賈擁多貲偶失不爲累良農廣積儲偶歉亦有濟嗟彼

薄植材有若斗筭器根柢固不深枝葉亦未備錄錄無短
長憑藉皆勢位一朝失所憑嗒焉喪其氣大儒重德修金
石勵厥志恬然性分中綽綽有餘地窮通得喪間造物有
深意艱鉅果能勝貧賤亦足恃鄙哉書空人咄咄稱怪事
許身事稷契下筆追馬韓小儒舌空咋動銷行之難詎知
儒者曾囊括宇宙寬船窗開祕笈卓犖恣奇觀幽討出奧
義縱論生波瀾是時秋氣清萬象多曠然空林下黃葉孤
月印寒川靜諦見名理意象超言詮身外盡可忘素位聊
自安哀哉不學人那得長飢寒

來者有萬年去者有千古我身生其間蜉蝣與之伍才力

鷗汀漁隱詩集

卷二

詩

固有盡功名安足數人壽能幾何草木將同腐禹臬伊且
儔古今只四五班馬擅文章雕蟲究何補坐廢固堪傷憂
憤亦良苦所賴還吾真抗志師鄒魯味道薄羞珍束身賤
華組富貴來何時毋爲造化侮

士生三代下患在不好名名譽苟不愆放恣惟所行東漢
重節義激濁以揚清名實雖難副時或少奔營晉人談名
理塵尾清風生放浪在形骸清流禍以成鄙哉鑽核兒強
附竹林盟汗下亦已極公然盜虛聲論定在千秋生前非
所榮

碧漢有清光不以微雲累白璧有真品不以微瑕棄君子

持大閑小節非所計柳下聖之和袒裼同兒戲當時傳坐
懷謗訕宜所致東坡負氣奇耿忠發經濟狂言喙三尺大
爲物情忌黃州儋耳間全身幾無地人人欲殺之卒竟蒙
美諡可知名教中圖大畧其細俗儒肆譏彈聞之徑欲睡
生當古人後心與古人期我意所欲言古人先言之奧義
恣攷索編什窮摻稽下筆爲文章翔論頗自奇博覽忽意
索轉歎我生遲使生古人前古人或我師步趨旣在後乃
敢規矩踰賤子挾一得輒不受範圍使與古人遇僕隸不
足爲揚子僭擬易束哲補亡詩誦之不再過無謂今人愚
壯歲遊京華上應求賢詔一上黃金臺縱目憑遠眺長安
鷗汀漁隱詩集

卷二

壹

仕宦途富貴爭相耀伺候王公卿刻意工言笑我身非山
林亦未遽廊廟逐逐竟何爲名譽豈可釣寒雪策蹇驢
風吹破帽一刺滅懷中歸來還坐嘯窮達豈人爲榮辱由
身召一卷南華經願言從所好

漢武好神仙輪臺悔不已梁皇好佞佛捨身身餓死智哉
武陵人歲歲桃源裏古俗種桑麻繁囂絕城市秦時歷魏
晉黃髮猶兒齒豈必資方術修真固其始聰明誤用非願
言學癡駮

小泊

小泊寒汀又夕陽野煙沽酒問漁莊二更殘笛月在水半

夜朔風天有霜
輦路鶯花迷往事
津亭楓橘卸歸裝
紅樓隔岸夢初熟
我坐讀書更漏長

重過揚州

雷塘煙水欲黃昏
依舊垂楊繞郭門
玉樹歌殘空有夢
瓊花落後已銷魂
丁年綠鬢江湖改
子夜紅燈笑語溫
忽漫蕪城聞折柳
曲中哀怨總難論

宿金山下

樓閣飛青墮眼前
搶鈴風語半江煙
山圍古寺鐘沈水
浪打孤城月到船
六代繁華餘戰壘
三生宋寔證枯禪
寒潮鷗汀漁隱詩集
卷二 落後蛟龍冷
獨對滄波一悵然

美

大風渡江用東坡大風留金山兩日詩韻

寺樓風緊搶鈴語
峭帆暫轉西津渡
怒濤如雪漉漉生
鬚跳珠亂白雨
眼中已失金焦寺
舵頭疑有蛟龍舞
平生忠信雖足恃
狂吟猶恐波臣怒
將詩投水怒潮平
陡覺天吳小尺許
寄奴城下又艤舟
隔岸青山打神鼓

京口聽潮聲不寐感而有作

祖生擊楫胡爲者
洗馬渡江空悵然
我輩才多原是累
幾人身後竟能傳
蒜山鐘斷南朝寺
瓜步鐙移北固船
無限興亡無限感
怒潮聲裏數千年

臬磯孫夫人廟

古廟臬磯聽鷓鴣
永安宮殿舊荒蕪
無波濤激咽魂歸
珮倉皇忽入吳巫峽
遠籠千樹雨
秣隄煠老牛
江蓀一
樣思君泪此是長沙屈大夫

烏江弔古

美人名馬總堪傷
一片西風古戰場
末路英雄仍氣短
當時兒女尚情長
三更月落人歛
箴萬帳星寒
劍有霜
霸業消沈
遺恨在大江東去水湯湯

鷗汀漁隱詩集卷一終

鷗汀漁隱詩集卷二

三

